

GrønlandsBANKEN-ip akileraartarnermut politikkia

Aallaqqaasiut

Ingerlatseqatigiiffimmik pitsaasumik aqutsinermut innersuussut 1.4.2 naapertorlugu GrønlandsBANKEN-imi siulersuisut akileraartarnermut politikki tulliuutoq akuersissutigaat.

Akileraartarnermut politikkimik siunertaavoq akileraartarnermut suliassaqarfimmi aningaaseriviup iliuuserisaanut sinaakkusersuinissaq, pissutsinut aningaaseriviup nammineq iliuusaanut kiisalu sullitat aamma niuernermini ataqatigisat iliuusaanut atatillugu.

GrønlandsBANKEN-ip kissaatigaa Kalaallit Nunaanni atugarissaarneq pillugu ilusiliamut tapiissuteqarnermut peqataanissaq akisussaaqataanissarlugu, tamatumani pingaartumik tunngaviuvoq, inuinnaat aamma suliffeqarfiit akileraartarnikkut tapeeqataanissaat.

GrønlandsBANKEN ullumikkut aningaaseriviup sullitai aamma sulisui pillugit akileraartarnermut paasisutissanik akileraartarnermik oqartussaasunut nalunaarsuisarnermut atatillugu inuiaqatigiinnut suliamik annertuumik suliaqartareerpoq.

GrønlandsBANKEN-ip akileraartarnermut politikkimik kissaatigaa akileraartarnermut suliassaqarfimmi ersarissuunerup akisussaassuseqarnerullu annertusarnissaa, kiisalu qaqugukkulluunniit akileraartarnermut inatsit atuuttoq malinneqarnissaa, kissaatiginnigilaalu akileraartarnermut aalajangikkani, Inatisartut akileraartarnermut inatsimmi siunnerfiinut akerliusuni peqataanissaq.

Grønlands-BANKEN-ip akileraartarnermut oqartussaasunik suleqateqarnera

GrønlandsBANKEN-ip akileraarutini pissutsit assigiinngitsut pillugit akileraartarnermut oqartussaasut ingerlaavartumik suleqatigai, matuma ataani akileraarutininik nalunaarutiginninnerit, soorlu aningaaserivik ingerlaavartumik akileraartarnermut misissuinernik assigiinngitsunik misissuiffigineqartartoq.

GrønlandsBANKEN-ip pisuni tamani kissaatigaa Kalaallit Nunaanni inatsisillu atorneqarfiini allani, aningaaseriviup niuernermini aamma attuumassuteqarfisaa akileraartarnermut oqartussaasunik suleqateqarluarnissaq. Suleqatigiinnerup qulakkiissavaa, aningaaserivik akileraartarnermut immikkoortumi malittarisassanik malinnissasoq.

Grønlands-BANKEN-ip akileraarutininik nalunaarutiginnittarnera

GrønlandsBANKEN akileraartarnerpillugu inatsisit – Danmarkimi kiisalu inatsisillu atorneqarfiini allani inatsisit – atuuttut naapertorlugit sullitat sulisullu aningaasaqarnikkut inissisimani pillugit akileraartarnermut oqartussaasunut paasisutissanik arlalinnik nalunaaruteqarnissamat pisussaaffeqarput.

GrønlandsBANKEN-ip aamma tamatumunnga atatillugu kissaatigaa akisussaassuseqartutut sassarnissaq kiisalu paasisutissanik taama ittunik eqqortumik piffissarlugu eqqorlugu tunniussinissaq.

Grønlands-BANKEN-ip akileraarutininik akiliisarnera

GrønlandsBANKEN-ip akileraarutit akitsuutillu, aningaaseriviup sammisaanut isertitaanullu Inatisartut allallu akiligassanngortitaat Kalaallit Nunaanni oqartussaasunut akilerusuppai.

GrønlandsBANKEN-ip pisariaqartitsinermini eqqortumik akileraarutininik akiliinissaq il.il. qulakkeerniarlugit avataanit siunnersortininik ikiorneqartarpoq, ass. Aningaaseriviup nammineerluni nalunaarsuineranik misissuineranut kiisalu akileraartarnikkut pissutsit pillugit naliliinermini oqaaseqarnermilu.

Grønlands-BANKEN-ip sullitanut siunnersuinerpaasisutissinera lu

Aningaaserinermik suliffeqarfiit ileqqorissaarnissananut malittarisassani oqaatigineqarpoq, akileraartarnermi pissutsit, nioqqutissanut sullissinermullu aningaaseriviup neqeroorutaanut attuumassuteqartut pillugit aningaaseriviup sullitani siunnersortassagai.

Siunnersuineq, nalinginnaasuusoq ilitsersuutaaneruserlu, ilaatigut imaqarpoq nioqqutissat Kalaallit Nunaanni qanoq akileraaruteqaataasarnerinik. GrønlandsBANKEN-ip siunnersuineranik naatsorsuutigineqarpoq, ilisimasassat attuumassuteqartut tamarmik saqqummiunneqarsinnaanissaat nalilerneqarsinnaanissaallu, matuma ataani aamma

akileraartarnermut oqartussaasunit. Sullitat pissutsit aalajangersimanagerusut pillugit siunnersorneqarnissamut kissaatteqarpata, avataani siunnersortinut innersuussisoqartarpoq.

GrønlandsBANKEN-ip arlaannaatigulluunniit kissaatiginnigilaa peqataaffigissallugu, sullitat akileraarnissamut pisussaaffimminnik sumiginnaanissaat. GrønlandsBANKEN-ittaaq kissaatiginnigilaa iliuuseqarnissanut, akileraaruteqannginnissamik taamaallaat siunertaqartunut innersuussalluni imaluunniit peqataassalluni.

GrønlandsBANKEN-ip Akileraartarnermut oqartussaasut killissaq qaangerlugu akileraartarnermut siunnersuinerumut, killissaq qaangerlugu akileraarnissamut pisussaaffimmik sumiginnaanissamik annikillisaqataasussamut innersuussutit malippai. GrønlandsBANKEN-ip nunat, EU-p imaluunniit OECD-p nunat suleqatiginnikkusunnigitsut (akileraarutikinneruffiit) pillugit allattorsimaffimmiittut sammisaqarfinggilai.

GrønlandsBANKEN-ip kissaatigaa akileraartarneq pillugu immikkoortumi FN-ip nunarsuaq tamakkerlugu anguniagai tapersersussallugit.

Pinerlunnikkut aningaasarsianik malunnaarunnaarsaasaneq aamma akileraaruteqannginneq

GrønlandsBANKEN sullitanik nutaanik pilersitsigaangami annertuumik sullitap ilisimanissaanut ingerlariaaseqarpog. Ingerlariaatsip taama ittuq imaraa sullitaaq aamma piginnittuuneq pillugit paasissutissanik aallerneq, tassani sullitap GrønlandsBANKEN-illu akornanni ataqtiginninnermut attuumassuteqartut sullitamut tunngasut qulaajarneqartarput.

Tamanna aamma atuuppoq siunertanut taarsigassarsinerumut akiitsornermullu tunngasuni imaluunniit GrønlandsBANKEN-ip nioqqutaanik allanik atuinermut atatillugu.

Ilanngullugu nuussinernik il.il. ingerlaavartumik nakkutiginnittoqartarpoq. Tamatumani GrønlandsBANKEN-ip ilaatigut pinerlunnikkut aningaasarsianik malunnaarunnaarsaanerumut aamma akileraaruteqannginnissamut atorneqarnissaanut aarlerinaat annikillisarnerlugu.

Akisussaaffik

GrønlandsBANKEN-ip siulersuisui akileraartarnermut politikimut akisussaasuupput, taanna nutarsarnissaa siunertarlugu minnerpaamik ukiumut ataasiarluni misissorneqartarpoq.

Saqummiussineq

Akileraartarnermut politikki una GrønlandsBANKEN-ip nittartagaaniippoq, taamaasillutik sullitat, pisiortorfiit, oqartussaasut allallu soqutigisaqartut takusinnaavaat, akileraartarnermut tunngasuni GrønlandsBANKEN-imit suut naatsorsuutigisinnaanerlugu.

Kukkunersiuneq

Ataani skemami takusinnaavat allagaat qanga kingullermik allanngortinneqarsimaneq:

Allanngortinneqarpoq:	Immikkoortoq akisussaasoq:	Siulia:
2023-12-14	Intern kontrol	2022-12-14

Akileraartarnermut politikki siulersuisunit akuersissutigineqarpoq ulloq 14-12-2023.